

adum est. Ita sane doctissimus Pithæus *lib. de Processione Spiritus Sancti*; & Gerardus Vossius in *Dissertatione de tribus Symbolis*. (a) Sed bona Virorum eruditissimorum venia, peccat systema illud errore chronologico, eoque gravissimo. Etenim controversia illa sub Pipino Rege, & Carolo Magno Imperatore in Galliis agitata de Processione Spiritus Sancti, anno duntaxat septingentesimo sexagesimo enatae sunt, cum e contra Symbolum illud centum circiter annis in antecessum a Synodo Augustodunense laudatum esset; ut a Clericis memoriz sedulo mandari juberetur.

Nonnulli a Vigilio Tapfensi in Africa Episcopo Symbolum istud scriptum existimant; dum Constantiopolim exulare sub quinti sæculi finem; ubi cum audisset, quantas strages in Africa ageret Hæresis Ariana, & quo in discrimine versaret popularium suorum Fides, pastoralis officii partes esse existimavit, periclitanti populo suo suppliciter ferre, simplicioribusque Christianis eam Fidei professionem ob oculos ponere: nec illos adversus Arianae sectæ perfidiam duntaxat communitur; sed etiam adversus Nestorianam, & Eutychianam, quæ jam longe lateque grassabantur. Ideo autem illam expositionem, Fidem Athanasii nominavit, quod summam Athanasiana Fidei con-

tineret; & ne de condita hujus Fidei formula in suspensionem apud Hæreticos deveniret, ac propterea in certissimum vitæ discrimen adduceretur.

Ita vir eruditus Quænellius *dissertatione 14. in opera S. Leonis*; (b) & Natalis Alexander in Synopsi quarti sæculi *cap. 6.* qui ea ad id conjectandum ratione ducuntur, quod Vigilio huic admodum familiare esset, ut quæ scribebat Opuscula, favente Vandalarum persecutione, ea non suo, sed sub antiquorum Patrum nomine emitteret. Unde etiam Dialogum adversus Arianos, Sabelianos, & Photinianos sub S. Athanasii nomine scripsit, ubi Athanasium cum Ario, Sabellio, & Photino coram iudice Probo disputantem inducit. Quare nil mirum, si idem in isto edendo Symbolo observasset; & Fidem Athanasii in titulo nuncupasset.

Id certe a Viris doctissimis prudenter excogitatum existimo. Nihil enim aut in nota temporum, aut in personarum conditione peccatum in ea conjectura video. Sed interim conjectura est, nullo efficaci argumento nixa, nullo manuscripto codice comprobata. Quamobrem de lata illa Questione confidentissime pronunciarim, tam certum esse, Athanasii non esse Symbolum illud, quam, cujus sit, incertum.

## DISPUTATIO TERTIA.

### PRÆLECTIO I.

De Regulis Fidei, ac primo de Scriptura Sacra, que omnium est regula prima.

**A**lteram susceperat Tractationis nostræ de Fide partem attigimus, omnium maximam, in qua nobis est de Regulis Fidei prolixè admodum disputandum. Fidei Regulas, quibus tamquam immoto & inconcusso fundamento nituntur quæcumque Fide divina credenda sunt nobis, duplicis generis universi Theologi ponunt: alias quidem inanimatas ac mortuas; alias viventes, spirantes, & animatas. Mortuæ & inanimatæ Fidei Regulae sunt Scriptura sacra, atque Traditio: Vivens, spirans, & animata Fidei Regula, Ecclesia est, quovis tandem modo credenda definiat: seu illa in Concilium coacta de Fide pronunciet, seu supremi illius Hierarchæ Romani Pontificis ore decernat. De singulis ergo Fidei Regulis dicendum venit ordine suo: ac primo quidem de Scriptura sacra, quæ prima omnium Fidei Regula est, a qua etiam pendent aliæ, suamque quantam habent auctoritatem mutuatur, & probant.

Quia tamen immensi moliminis esset, de Scriptura sacra dicere universim; nec eam possemus tentare aleam nisi falce, ut ajunt, in alienam messem immissa: (alterius quippe Professoris officium istud est) ad id nos unice revocabimus, quod nostri maxime munus est, nec possemus citra piaculum, indictum relinquere. Quodnam illud? *Divina Scriptura Sacra Inspiratio*; qua nimirum effectum est, ut Scriptura prima Fidei nostræ Regula sit. Nec enim alio titulo habent facere illi libri, ut indeficienti, ac suprema auctoritate fidem Catholicam firment, quam quia Deo inspirante, atque afflante conscripti sunt.

(a) Vide Natal. Alex. Tom. 4. Hist. Eccles. Parisiis editæ anno 1730.  
(b) Apud Natal. Alex. Tom. 4. Hist. Eccles. Parisiis editæ Anno 1730.

## DISPUTATIO III. PRÆLECTIO I.

tamen quoad verba distincta & individua, quæ scripta sunt, ut ipsi quidem existimant, Scriptorum sacrorum industriae relicta sunt.

His igitur observatis, ut divinam sacrarum Scripturarum inspirationem defendam ordine debito, contra Gentiles certamen institutum omnium primo, qui divinam utriusque Testamenti inspirationem diffidentur, in quibus tamen impugnantis ac refellendis summam, ac strictim duntaxat agam: momentaque rationum duntaxat septem indicabo; eaque non orbeo, non profuar, sed vobis potius in cæsusu meditanda reliquam.

Momentum itaque probationis primum contra Gentiles, istud esto. Libri illi non nisi divina inspiratione, divinoque afflatu sunt scripti, qui infinitam continent futurorum contingentium, ac liberorum prænuvia vaticinia, quæ reipsa tandem impleta sunt, ut fuerant prænuviata. Cum enim solus Deus ea futura prænoße certo possit, Juxta illud celebratum estatum, *Nunciatio que futura sunt nobis, & dicimus, quia Dii estis vos*: Eos Scriptores a Deo afflatos & inspiratos fuisse necesse est, qui hujusmodi futura, certo ac diu antequam contingerent, prænuviarent. Hujusmodi vero sunt veteris Testamenti libri ferme omnes, a Genesi ad postremos usque Prophetas; in quibus infinita extant vaticinia, quæ suum tandem exitum habuerunt.

Neque reponere juvat, potuisse etiam Angelos futura prænuviare; atque ita potuisse Scriptores illos veteris Testamenti, ex illorum afflatu atque inspiratione futura illa omnia prænuviare. Absit. Quamquam enim possint Angeli mali naturali acuminis ingenii, futura nonnulla prænoße, ex causis necessariis oritura; non ea tamen, quæ ex causis omnino liberis orientur; eaque multo minus, quæ ex uno Dei Optimi Maximi nutu atque arbitrio pendent, qualia multa sunt in veteri Testamento pronuntiata.

Momentum probationis alterum divinæ Inspirationis istud habetote pro libris faltem veteris Testamenti. Libri veteris Testamenti tamquam divini, divinoque afflatu conscripti semper habiti sunt, ab eo populo, quem Deus præ cæteris elegit sibi, quem singulari protectione fovit, instituit, docuit, informavit, beneficiisque ingentibus cumulavit: Tales igitur libri illi sunt, divini scilicet, divinoque afflatu conscripti. Alias Deus huic populo illustravit, quem eo in errore versari permisisset, ex quo tota illius Religio contaminata fuisset.

Neque obeit si forte dixeris, populum illum, quem Deus elegit sibi, quem edocuit, quem informavit, libros novi Testamenti non agnoscere uti divinos, divinaque inspiratione conscriptos; quin inde colligamus, libros istos tales esse, quales populus ille deprædicat. Id inquam nihilum obeit, quia ab eo tantum tempore caput populus ille novi Testamenti libros non agnoscere uti divinos, ex quo a Deo reprobatus est, traditusque in reprobum sensum, ut non ultra luceat illi veritatis lumen. Ex tunc enim sua excidit auctoritate de rebus hujusmodi judicandis.

Tertium probationis invictæ momentum contra Gentiles istud accipere. Miracula atque prodigia a Moyse, Josue, cæterisque Prophetis patrata; quæ probant invictè, Judaicam Religionem divinam omnino fuisse, Deo scilicet uti certo illius auctore profectam, eadem illa miracula penitus probant veteris Testamenti libros divinos esse, ac Deo afflante conscriptos; quandoquidem Judaica Religio tales illos esse proficitur: Imo tota illa in eorum librorum observantia cultuque versatur; alterum enim sine altero stare non po-

terry Tom. IV.

test, planeque impossibile est, non esse libros illos divinos, ac Deo inspirante conscriptos, quos Religio divina, & a Deo profecta, ut divinos, & Deo spirante conscriptos agnoscat, colique religiosissime.

Frustra vero Gentiles repofuerunt ludrica omnino fuisse, & ad ludificandum duntaxat affecta miracula illa atque portenta, quibus Judaicæ Religionis, sacrorumque librorum divinitas a Moyse, Josue, cæterisque Prophetis probata est; Frustra, inquam; hujus quippe generis fuere portenta, quibus impossibile fuit, ut infinita propemodum hominum multitudinam illuderetur, utque videre se crederent homines, quæ non videbant reipsa, & experimento probare, quæ minime experiebantur: conversa scilicet in sanguinem aquæ fluminum totius Egypti, tenebræ Egypti omnibus per dies multos offusa, vastati gradine atque locustis illorum agrî, occisa ab Angelo eadem nocte omnia primogenita, tam hominum, quam pecudum & brutorum, Mare rubrum virga divitum; Populi Israelitici peremium maris libera trajectio; Manna per anns 40. e Coelo delapsum; Muri Gerico ad tubarum sonitum momento lapsi; Sol ad multas horas medio Coelo stare jussus; aliaque id genus longe multa portenta, quibus hominum sensus, fascinari minime poterant.

Quarto subinde loco, ex summa sacrarum Scripturarum inter se consensione, mutuaque concordia, in tradendis sanctioris vitæ præceptis, perspectum fit, Scriptores illos non humano sensu studioque fuisse ductos; sed afflante divino Numine, suos illos Codices exarasse. Ecur enim Philosophi E. G. in monstranda virtutis via, qua ad beatitudinem capeffendam eundem esset, tam immaniter a se invicem dissenferent, & Magistris discipuli, & a se ipsis discipuli abalienati sunt? Nisi quia ut homines erant, humanis rationationibus ducebantur; captandæ gloriæ studio tumidi, quis altero sapientior, atque acutior haberetur. Nisi ergo Deo specialiter afflante, ac dirigente Codices suos exarassent Scriptores sacri; certe ut erant a se invicem & loco, & tempore diffiti, nullamque secum invicem collationem habuerant; nusquam mira illa consensione, atque concordia in eandem sententiam conspirassent.

Momentum probationis quintum petitur ex sanctissimis Legibus, atque Præceptis, quæ in utriusque Testamenti libris continentur. Cum enim Dei, qui hominem condidit, omnino fit, eundem ad finem suum ultimum, & supernaturalem dirigere, qui non alius ab ipso Deo est; Scripturas illas a Deo datas esse necesse est, quæ Leges, ac Præcepta hujusmodi tradunt recte vivendi, ad Deum tendendi, illique adhareadi, quæ humana Philosophia non tradit. Cum enim Philosophorum quidam dixerint, *mibi frui mea carne bonum est*; alii; *mibi frui mea mento bonum est*; alii; *mibi frui meis divitiis bonum est*. Illi soli, qui a Deo intus docente, vel per Legem Mosaicam, aut Evangelicam erudiente illustrati sunt, dicere potuerunt: *Mibi adhavero Deo bonum est*.

Momentum sextum petitur ex conditione virorum illorum, qui libros illos conscripserunt. Ex ipsa enim scribendi ratione perspectum est, fuisse illos magna ex parte viros simplices, ac minime malos, nulla ad decipiendum, fallendumque arte instructos: fuisse illos magna ex parte a prima pueritia rudes, incultos, illitteratos, pastores, artifices, tabernarios, piscatores, qui coelestem ac plane divinam, quam libris suis inferuere doctrinam, proprio Marte confingere, & comminisci nequiverissent, nisi eis divinitus stillata, & inspirata fuisset.

N q Pro-











